



Jumat, 25 Februari 2022
Ogen: Kuan-kuanen 31:10-12



Mehuli Perbahamen



Gundari sangana viral sada sinetron mini, LAYANGAN PUTUS. Serial enda nuriken kerna perselingkuhen sekalak perbulangen sanga ndeharana natang tuah. Padahal ndeharana seh kal ulina ras setia. Adi bage rukur kita, selaku diberu perlu nge mehuli ras tutus adina mawen si mehuli ndai tempa isia-siaken? Enda me gundari si man nehenenta arah ogenta.

Kitab Kuan-kuanen ngatakenca ndehara si mehuli e me *istimewa*, mesera muatca. Adi bage selaku ndehara ntah diberu tetap arus si pertahanken kiniulin e, amin gia mawen la bagi nisura cara kalak ersimulih arah perbahanennta. Kesadaren maka kita meherga ras istimewa erbahanca tetap ergiah ras meriah ukurta ngeluhken geluhta selaku ndehara, nande, diberu. Ntah kita ibu rumah tangga, sekalak si erdahin ntah pengusaha, mehergalah si akap kita adi mehuli perbahanenta. Tole ikataken maka ndehara si mehuli e cerdik. Kata cerdik i jenda hampir bali ras pentar, i ja gabungan pemeteh ras perasan si imbang i bas muat keputusan mahanca tep-tep perbahanenta maba pasu-pasu ras ndauh i bas kesalahen nari. Ndehara si mehuli la jahat perbahanenna, sabap lit *ketulusen* i bas dirina, si mendarah daging, la terpisahkan. Kalak si bage pasti jadi *penalemen*. Penalemen bali ras ingan tertande idarami kalak tupung mberat babanna, nggo ngelabuh akapna. Labo dalih, selaku penalemen ertina gegehen kita asangken sekelewetta e. Selaku penalemen pasti idarami ras “dirindukan” kehadireнна.

Labo sia-sia adi si cidahkan mehuli perbahanenta, sabap perhiasen si mejilena labo emas, permata, kita jilen asangken e kerina. Pusuh si kepate, dem alu lias ate ras mehuli saja ngenca ukurina ras perbahanna, si bage e me erta si meherga. Tambah sangapna adi siusur-usur ndalanken si ngena ateNa.